



Халқ сўзи

Ўзбекистон —
келажаги
буюк
давлат

2025 йил — АТРОФ-МУҲИТНИ АСРАШ ВА «ЯШИЛ» ИҚТИСОДИЁТ ЙИЛИ

1991 йил 1 январдан чиқа бошлаган

WWW.XS.UZ

E-mail: Info@xs.uz

2025 йил 9 май, № 94 (8989)

Жума

Сайтимизга ўтиш учун QR-кодни телефонингиз орқали сканер қилинг.



ҚАҲРАМОН АЖДОДЛАРИМИЗНИНГ МАРДЛИГИ ВА МАТОНАТИ БИЗ УЧУН ҲАМИША ИБРАТ МАКТАБИ

Иккинчи жаҳон урушининг тугаганига 80 йил бўлди. Шунча вақт ўтса-да, унинг тарихи, кулфат ва мусибатлари унутилмайди. Аксинча, урушнинг мудҳиш оқибатлари, тинчлик-осойишталик қадрини ёдга солади. 9 май — Хотира ва Қадрлаш куни замирида ана шундай моҳият мужассам.



Президент Шавкат Мирзиёев ушбу сана муносабати билан Ғалаба боғига ташриф буюриб, хотира маросимига иштирок этди. Бу ёрдаги ҳар бир ёдгорлик, тисмол ва битиклар мудҳиш уруш ҳақиқатларини ифода этади, халқимизнинг ғалабага қўшган

улкан ҳиссасини урғулайди. Боғ бугунгидек байрам кунларида, айниқса, гавжум бўлади. Сўнгги йилларда шаклланган анъанага мувофиқ давлатимиз раҳбари “Матонат мадҳияси” ёдгорлиги пойига гулчамбар қўйди. Бу муаззам обида урушда халқимиз чеккан азоб-уқубатлар,

матонат ва йўқотишларнинг ифодасидир. Хужжатларнинг далолат беришича, фашизмга қарши қонли жангларда ўша пайтда 6 миллион 800 минг нафарни ташкил этган аҳолиимизнинг қарийб 2 миллион нафари иштирок этган. Шундан 540 мингга яқини ҳалок бўлган,

158 минг нафари бедарак йўқолган, 50 мингдан ортиги қонла-герларда мислсиз қийноқ ва азоблар туфайли ҳалок бўлган, 60 мингдан зиёди ногирон бўлиб қайтган. Ўзбекистонлик аскар ва офицерлардан 214 мингга яқини жанговар орден ва медаллар билан

мукофотлангани уларнинг жасоратидан далолат беради. Мамлакатимиз уруш йилларида фронтнинг мустаҳкам таъминот базасига айланган, жанг майдонларига жуда катта миқдорда ҳарбий техника, қурол-яроғ, кийим ва озиқ-овқатлар етказиб турилган. Фоят оғир шароитга

қарамай халқимиз уруш ҳудудларидан қўчириб келинган 1 миллион 500 мингга яқин инсонни, жумладан, ота-онасидан жудо бўлган 250 минг нафар етим болани ўз бағрига олиб, меҳр кўрсатган. — Булар чинакам мардлик ва қаҳрамонлик соломасидир. Бундай мураккаб ва шонли ғалабага муносиб ҳисса қўшган матонатли халқимиз билан ҳар қанча фахрлансак арзийди. Бу қаҳрамонликларни ҳеч қачон унутмаслигимиз, ёшларимизга етказишимиз керак. Айниқса, ҳозирги таҳликали замонда бунинг аҳамияти нисбатда катта. Ҳаммамиз Ватан ҳимоясига ҳар куни тайёр бўлишимиз керак, — деди Шавкат Мирзиёев. Ўзбекистон Республикаси Президентининг 19 февралдаги қарорига мувофиқ, Иккинчи жаҳон урушида қозонилган ғалабанинг 80 йиллиги ҳамда Хотира ва Қадрлаш куни муносиб нишонланмоқда. Бугунги авлодлар тинчлиги, мамлакатимиз барқарорлиги учун жон фидо қилган инсонлар хотираси ҳурмат билан ёдга олинмоқда. Айни вақтда ҳаёт бўлган меҳнат фахрийлари ва кексаларга эҳтиром кўрсатишмоқда. Тадбирда Ўзбекистон Қуролли Кучлари, давлат ва жамоат ташкилотлари вакиллари, маҳалла фаоллари ва нуронийлар ҳам иштирок этиб, мазкур ёдгорлик пойига гуллар қўйишди. Давлатимиз раҳбари боғда ўрнатилган “Хотира нури” композициясини ҳам кўздан кечирди. У Иккинчи жаҳон уруши ва фронт ортида меҳнат қилган ўзбекистонлик қаҳрамонлар хотирасига бағишлаб барпо этилган. Монумент парвоз қилаётган икки қўш шаклида бўлиб, катта ва ёш авлодлар ўртасидаги ворисийликни ифодалайди. Асар тарихий мерос ва замонавий санъатни ўзига мужассам этган. Унга QR-ҳавола ўрнатилган бўлиб, ташриф буюрувчилар маж-

муа ва уруш қаҳрамонлари ҳақида ўқиши, “Хотира нури” китобини юклаб олиши мумкин. Президент Шавкат Мирзиёев Ғалаба боғидаги “Миллат фидойилари” ҳиёбонида бўлди. Давлатимиз раҳбарининг гоёси асосида ташкил этилган ушбу ёдгорлик мустақиллик йилларида мамлакатимиз ҳимояси йўлида ҳалок бўлган ҳарбий хизматчилар ва ҳуқуқ-тартибот идоралари ходимларининг хотирасига бағишланган. Мажмуа юқоридан қараганда давлатимиз байроғидаги ярим ой ва ўн икки юлдуз шаклида намоян бўлади. Қарийб икки метрли юлдузларнинг қирралари битиктош вазифасини ҳам ўтайди. Уларнинг ён тарафларида 196 нафар қаҳрамонимиз номи зарҳал ҳарфлар билан ёзилган. Бу битиклар ёнига мониторинг ўрнатилган бўлиб, миллат фидойилари тўғрисида маълумотлар фото ва видеолар орқали намойиш этиб борилади. Яъни уларнинг фақат номи эмас, болалиги, орзулари, иши ва оиласи кўз олдимизда жонланади. Байроғимиздаги ярим ой мўъжаз амфитеатр шаклида ҳиёбонга кўрк бағишлаган. Унинг тепасидан поклик рамзи — сўв оқиб туради. Ойнинг орқа тарафидаги ҳайкалтарошлик композицияси бадий гоёга яқун ясаган. Унинг марказида фарзандини ҳарбий хизматга қўзатган ота-она сиймоси гавдалантирилган. Икки ёнида Мудофаа, Ички ишлар ва Факультетда вазиятлар вазирликлари, Олий суд ва прокуратура, Давлат ҳавфсизлик хизмати, Боххона қўмитаси, Миллий гвардия каби тузилмалар хизматчилари акс эттирилган. Президентимиз шу ерда марҳум ҳарбий хизматчиларнинг оила аъзолари билан учрашди.

ЎЗБЕКИСТОН ХАЛҚИГА БАЙРАМ ТАБРИГИ

Қадри ватандошлар! Аввало, сиз, азизларни, кўп миллатли бутун халқимизни кутлуг айём — Хотира ва Қадрлаш куни ҳамда Иккинчи жаҳон урушида қозонилган буюк Ғалабанинг 80 йиллиги билан чин қалбимдан муборакбод этиб, барчангизга ўзининг юксак ҳурматини ва эзгу тиллақларини билдиришдан бахтиёрман. Мана шу ҳаяжонли, айни пайтда изтиробли дамларда инсониятни фашизм балосидан халос этишга муносиб ҳисса қўшган қаҳрамон аجدодларимизни ёд этиб, уларнинг ёрқин хотираси олдида таъзим қиламиз. Бугунги кунда Янги Ўзбекистонни барпо этишда олтинга тенг дуолари, маслаҳатлари билан фаол иштирок этиб келаётган муҳтарам уруш ва меҳнат фахрийларига алоҳида кутлов ва ташаккурларимизни изҳор этамиз. Ҳеч шубҳасиз, тинч ва фаровон ҳаёт посбонлари улуғланидиган ушбу мунаввар айёмда мустақиллик йилларида Ватанимиз озодлиги, халқимиз осойишталигини ҳимоя қилиш йўлида қаҳрамонларча ҳалок бўлган жасур ҳарбийларимизнинг хотирасига ҳурмат бажо келтириш барчамиз учун ҳам қарз, ҳам фарздир. Азиз дўстлар! Башарият тарихидаги энг даҳшатли қирғин бўлган Иккинчи жаҳон уруши дунё халқлари, жумладан, эл-юртимиз бошига солган оғир мусибатлар, мислсиз кулфат ва йўқотишлар ҳеч қачон унутилмайди. Бу — замон ва макон чегарасини билмайдиган чинакам мардлик ва қаҳрамонлик соломасидир. Бундай муаззам, шонли зафарга муносиб ҳисса қўшган матонатли халқимиз билан ҳар қанча фахрлансак, арзийди. Кейинги йилларда жонкуяр олим ва мутахассисларимизнинг илмий изланишлари туфайли Иккинчи жаҳон уруши тарихининг янги саҳифалари билан танишмоқдамиз. Хужжатларнинг далолат беришича, фашизмга қарши қонли жангларда ўша пайтда 6 миллион 800 минг нафарни ташкил этган аҳолиимизнинг қарийб 2 миллион нафари иштирок этган. Шундан 540 мингга яқини ҳалок бўлган, 158 минг нафари бедарак йўқолган, 50 мингдан ортиги қонла-герларда мислсиз қийноқ ва азоблар туфайли ҳалок бўлган, 60 мингдан зиёди ногирон бўлиб қайтган. Ўзбекистонлик аскар ва офицерлардан 214 мингга яқини жанговар орден ва медаллар билан мукофотлангани, 301 нафари Совет Иттифоқи Қаҳрамони деган юксак унвонга, 70 нафардан зиёди учала даражада-

ри “Слава” орденига сазовор бўлгани, ҳеч шубҳасиз, юртимиз вакиллари томонидан уруш майдонларида кўрсатилган жасорат ва матонатнинг юксак амалий эътирофидир. Мамлакатимиз уруш йилларида фронтнинг мустаҳкам таъминот базасига айлангани, республикамиздан жанг майдонларига жуда катта миқдорда ҳарбий техника, қурол-яроғ, дори-дармон, кийим-кечак, озиқ-овқат ва бошқа зарур маҳсулотлар етказиб берилгани ўша суронли даврнинг яна бир унутилмас саҳифасини ташкил этади. Уруш олови ичида қолган ҳудудлардан юртимизга 170 дан ортиқ завод ва фабрика қўчириб келтирилди, қисқа муддатда 280 та янги корхона бунёд этилди. Халқимиз гоё оғир ва мураккаб шароитда уруш ҳудудларидан ўлкамизга олиб келинган 1 миллион 500 мингга яқин инсонни, жумладан, ота-онасидан жудо бўлган 250 минг нафар етим болани бағрига олиб, уларга меҳр-мурувват кўрсатди. Тарих китобида муҳрланган бундай мисолларни бугун яна бир бор эсга олар эканмиз, ҳар қандай вазиятда ҳам инсоний эътиқодига содиқ қолган олийжаноб ва баррикенг халқимизнинг буюк гуманистик фазилатларига таҳсин ва тасаннолар айтамыз. Қадри ватандошлар! Сўнгги йилларда қаҳрамон аждодларимизнинг ҳаёти ва фаолияти, мардлик ва матонатини чўқур ўрганиш ва тарғиб этиш, ёш авлодни уларнинг шонли анъаналари руҳида тарбиялаш бўйича кўп ишларни амалга оширмоқдамиз. Бу борада Тошкент шаҳрида бунёд этилган Ғалаба боғи, ҳудудлардаги “Ватанпарвар” боғлари муҳим роль ўйнамоқда. Ушбу табаррук масканлар қисқа муддатда барча юртдошларимиз ва чет эллик меҳмонлар учун кутлуг зияратгоҳларга айланди. Ана шундай эзгу ишларимизнинг давоми сифатида Ғалаба боғи ҳудудида она юрт қалқонлари шарафига барпо этилган яна бир тарихий ёдгорлик — Миллат фидойилари мажмуаси ҳам, ҳеч шубҳасиз, гоёат муҳим аҳамиятга эга. Ишончим комил, юзлаб марҳум баҳодир ҳарбий хизматчилар ва ҳуқуқни муҳофаза қилиш органлари ходимларининг номлари қарил ҳарфлар билан муҳрлаб қўйилган ушбу муҳташам бадий обида эл-юртимиз чин дилдан интиладиган ва фахрланидиган яна бир мўътабар маскан бўлиб қолади. Хурматли дўстлар! Бугунги кунда “Инсон қадри учун, инсон

бахти учун” деган эзгу гоё ҳаётимизга тобора чўқур кириб бормоқда. Бу йил Иккинчи жаҳон уруши қатнашчилари ва ногиронларига 10 минг АҚШ доллари миқдоридида, ушбу тоифага тенглаштирилган шахсларга 25 миллион сўм, меҳнат фронти қатнашчиларига 3 миллион сўмдан бир марталик пул мукофотлари ва “Иккинчи жаҳон урушидаги ғалабанинг 80 йиллиги” юбилей медаллари топширилгани муҳтарам фахрийларимизга эътибор ва ғамхўрликнинг яна бир амалий ифодаси бўлди. Уруш фахрийлари ва ногиронлари учун тиббий ва ижтимоий хизматлар, жумладан, патронаж хизмати кўрсатишмоқда. Улар ўз хоҳишларига қўра санаторийларда даволанмоқда. Ушбу қувончли кунларда халқимиз мўътабар кексаларимиз, уруш ва меҳнат фахрийларини зиёрат қилиб, уларнинг дуосини олмақда. Тегишли вазирлик, идора ва ташкилотлар, ҳарбий қисмлар раҳбарлари иштирокида уруш ва меҳнат фахрийлари, мустақиллик йилларида хизмат бурчини бажариш чоғида ҳалок бўлган ҳарбий хизматчилар ва ҳуқуқни муҳофаза қилувчи органлар ходимларининг оила аъзоларининг ҳолидан хабар олиниб, уларга зарур кўмак ва ёрдамлар кўрсатишмоқда. Албатта, биз бугунги тинч, озод ва эркин ҳаёт учун ўзининг азиз жонини ҳам аямасдан курашган бундай фидойий инсонларнинг олдида доимо қарздормиз. Улар бундан буён ҳам давлатимиз ва жамиятимизнинг меҳрини, эътиборини хис қилиб яшайдилар. Азиз ва муҳтарам юртдошлар! Ҳозирги мураккаб ва таҳликали замонда ёшларимизни баркамол инсонлар этиб тарбиялаш, диёримиздаги тинчлик ва барқарорликни, миллатлар ва динлараро аҳилик ва тотувликни асраш йўлида қаҳрамон ота-болаларимизнинг Иккинчи жаҳон уруши йилларида кўрсатган сабот ва матонати биз учун ҳамиша ибрат мактаби, куч ва илҳом манбаи бўлиб хизмат қилади. Ушбу унутилмас айёмда сиз, азизларни, муҳтарам фахрийларимизни, бутун халқимизни яна бир бор самимий табриклаб, барчангизга сиҳат-саломатлик, бахт ва омад, хонадонларингизга файзу барака тилайман. Юртимиз тинч, халқимиз доимо омон бўлсин!

Шавкат МИРЗИЁЕВ,
Ўзбекистон Республикаси
Президенти

ЎЗБЕКИСТОН ПРЕЗИДЕНТИ РОССИЯ ФЕДЕРАЦИЯСИГА КЕЛДИ

Ўзбекистон Республикаси Президенти Шавкат Мирзиёев 8 май кuni амалий ташриф билан Москва шаҳрига келди.

Ўзбекистон етакчиси учун ажратилган қароргоҳда давлатимиз раҳбарини Россия Федерацияси Президенти Администрацияси раҳбарининг ўринбосари Максим Орешкин

ва Ҳукумат Раисининг биринчи ўринбосари Денис Мантуров кутиб олдилар. Ташриф дастурига мувофиқ Президентимиз Иккинчи жаҳон урушидаги Ғалабанинг

80 йиллигига бағишланган тантанали тадбирларда иштирок этади ҳамда қатор икки томонлама учрашувлар ўткази-

Ў.А.

АҲОЛИ САЛОМАТЛИГИ ЙЎЛИДАГИ ИСЛОҲОТЛАР

Куни кеча давлатимиз раҳбари иштирокида ўтказилган йиғилишда соғлиқни сақлаш тизимини янада такомиллаштиришга қаратилган муҳим қарорлар қабул қилинди. Биргина туман мисолида айни кунларда аҳолига тиббий хизмат кўрсатиш сифатига баҳо берилди.

Акс садо

Шунингдек, тиббий ходимларнинг ижтимоий-иқтисодий шароитини яхшилаш ҳамда уларнинг иш самарадорлигини ошириш масалаларига ҳам алоҳида эътибор қаратилди. Бундан ташқари, “Тиббиётда 90 кунлик ўзгариш-

лар” дастури бошланиши эълон қилинди. Бунда вилоятлар ҳокимлари зиммасига ҳам вазифалар юкланди. Хусусан, улар куттиш жойларида қулай ўриндиқларни қўйиштириб, навбатни тартибга келтириш, “она ва бола” хоналарини ташкил этиш, ногиронлиги борлар эркин ҳаракатланиши учун кириш-чиқиш жойлари, хона ва йўлакларда инклюзив муҳит яратиш учун масъул бўлади.

Ў.А.

ФАШИСТЛАРНИ ЗИР ТИТРАТГАН ЎЗБЕК ЎҒЛОНИ

“Ҳеч ким унутилмайди, ҳеч нарса унутилмайди”. Умумжаҳон хотираси рамзига айланган бу қанотли сузлар Иккинчи жаҳон урушига бағишланган кўплаб ёдгорлик мажмуаларини яратишга илҳом берди.

Махсус репортаж

Халқимиз ўз қаҳрамонлари хотирасини доимо қалбидида сақлайди, уларнинг жасоратини юксак қадрлайди. Бу мард инсонлар намуналаридан биз яшашни, яратишни, ғалаба қозонишни ўрганишимиз, замонлар ўртасидаги боғлиқликни авлодларимизга етказамиз. Бронза, гранит ва мрамор ёдгорликларда озодлик ҳамда тинч келажақ учун жон фидо қилганлар номи ёзилган. Улар шунчаки меъморий иншоотлар эмас, матонат ва жасорат тимсоли бўлиб, бизни янги марралар сари руҳлантиради. Биз ҳар йили 9 май — Хотира

ва Қадрлаш кунини ёдгорликлар пойига йиғилиб, машъум урушда қатнашганлар хотирасига ҳурмат бажо келтирамиз. Уларнинг жасоратини, қаҳрамонликларини ёдга оламиз. Зотан, айнан шундай инсонлар шарофати билан биз бугун осуда осмон остида яшаймиз, ҳаётимизни барпо этаймиз, келажақ ҳақида орзу қилаймиз. Иккинчи жаҳон уруши тарихида халқ хотирасида мангу сақланиб қоладиган кўплаб номлар бор. Ана шундай қаҳрамонлардан бири — Беларус жаңг майдонларида беқийс мардлик ва жасорат кўрсат-

ган юртдошимиз, ўзбек халқининг қаҳрамон фарзанди Мамадали Топволдиев. Унинг жасорати матонат ва ватанпарварлик тимсолига айланиб, келажақ авлодларга фарх ва гурур бахш этади. Қаҳрамонлар хотираси нафақат ўтмишга ҳурмат, балки келажақ авлодлар олдидаги масъулият ҳамдир. Тинчлик ва осойишталик қанчалар машаққатли эвазига қўлга киритилганини ёш авлод билиши учун улар ҳақида кўпроқ ҳикоя қилишимиз керак. “Халқ сўзи” ва “Народов слово” газеталарининг ижодий гуруҳи ўзбек жангчисининг ҳарбий ҳаракатлари билан боғлиқ жойлар билан яқиндан танишиш учун Беларус заминига ташриф буюрди. Мамадали Топволдиев беқийс қаҳрамонлик кўрсатган Могилов вилоятининг Круглое туманида бўлди.

Ў.А.

Хотира ва Қадрлаш куни муносабати билан Сирдарёда Ўзбекистон Республикаси Миллий гвардиясининг ихтисослаштирилган ўқув маркази иш бошлади.

